



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De pijs exercitationibus. Cap. II.

urn:nbn:de:hbz:466:1-11399

suo parere nolint, in ijs rebus, quæ ad eius Ecclesiæ utilitatem spectant, cuius sumptibus aluntur, & educantur; graui-ter peccabunt, atque à Deo, tanquam alienæ facultatis usurpatores, accerrimè punientur.

Sunt igitur ea potissimum de causa Seminaria erecta, ut in ijs boni strenui-que operarij ad curationem animarū, quas suo sanguine pretiosissimo Christus redemit, instituantur; & ij quidem adolescentes (qui ob ætatem, cum tene-ra sit, & proclivior ad voluptates, & fle- xibilis etiam ad bonarū rerum impre- fiones admittendas in operibus virtutū eruditiri debent) vt eam vita perfectio nem adipiscantur, quæ in ijs, qui Docto- res populorum futuri sunt, elucere debet, & seuerioribus disciplinæ legibus coercendi.

Cum igitur duo præcipue in Sacerdo-te, & animarum Pastore requirantur, probitas videlicet, ac doctrina; earum vtraq; in Seminarijs est comparanda. At sicut probitatis maior est necessitas, quam Doctrinæ; sic illis in eius studio magis est elaborandum: cum præser-tim acquisitione virtutum, in vniuersiusq; assiduitate, & industria, potiusquam in Rectorum, aut præceptorum diligentia sit posita; ita vt nisi quis laborem adhi-beat, non multum, aut nihil illi alio-rum vigilantia sit profutura.

Quonobrem vnuquisque sit ea men-te, ac voluntate, idq; sibi quotidie proponat, vt omnino velit in bonum Ministrum pro huius Ecclesiæ Mediolanensis adiumento euadere; seque Deo iu-ante, purum ab omni peccati labore conseruare: sic enim affectus, multò facilius Doctrinæ cognitionem accipiet, maiore tum suo, tum cæterorum emolu-mento; Beneficijq; magnitudinem agnoscens, quod illi tam præclarâ sit ob-lata facultas, toto animo singulis die-bus Deo se offerat; rogetque, vt se ad prædictum finem idoneum efficiat ope-rarium.

Quod si quis decursu téporis de sta-tu mutando consilium caperet, etiam si de Religione ingredienda cogitaret, de eo Reverendiss. Archiepiscopum, vel Rectorem statim certiore faciat.

Peccaret enim, si in Seminario hoc ani-mo viueret, in aliud finem consumens, quod ad operarios solum pro huius Ecclesiæ auxilio sustentandos est con-stitutum.

De pīs exortationib; Cap. II.

Q Votidie mane singuli semihoræ spatio mentali orationi vacent; qua perfecta, Matutinum officium Beatae Mariæ Virginis, & Primā reciteant; Tertiæ verò, Sextæ, & Nonæ, dum Missæ sacrificio intersunt, horas; Vesperarum, & Completorij, vesper-tino tempore post scholas deuotè per-soluant.

Singulis diebus omnes antequā Brai-dam adeant, Missæ sacrificio intersint, eiq; vicissim inseruant. Cum verò Sa-cerdos, secreta quæ vocantur, recita-bit, horis absolutis, si quod tempus su-persit, Missæ Mysteria piè meditentur, Coronamve, aut Rosarium dicant, prout à Confessore expedire iudicatum fuerit.

A prandio, & cena in Ecclesiam recta pergent, ibiq; orationem Dominica-ram, & Angelicam salutationem secrē-tō quinquies dicant.

Vesperi post recreationis tempus, si-gno campanæ dato meditationis ratio-nem reddant, tum in locum constitutum conuenient, vbi futuræ meditationis argumentum accipient.

Quotidie Vesperi per quartam ho-ræ partem conscientiam diligenter ex-cutiant.

Dominicis, reliquisq; diebus festis in Ecclesia Seminarii Missæ maiori, ac diuinis officijs intersint; illis tamen exceptis, qui Metropolitanam obibunt, vt altari ministrent, cæterasq; sacras fun-ciones exerceant.

Consiteantur omnes Seminarij Con-fessori peccata sua, saltem prima quaq;, & tertia cuiusq; Mensis Dominica dies; diebus preterea festis Christi Domini, B. Virginis Matris, Sanctorum Ioannis Baptista, & Apostolorum, & Sancti Ambrosij, omnibusq; Dominicis Aduentus, & Quadragesima.

Qui verò sacrī ordinib; iniciati sunt, semper

semper singulis octo diebus: qui alicui
fodalitio B. Virginis sunt adscripti, eius
leges, & instituta ea de re seruent.

Prima quaq; cuiuslibet mensis Dominica die, & solennibus item totius anni diebus festis, sacram Eucharistiam sumant: in Aduento verò, & Quadragesima, singulis saltem quindecim diebus: quod idem Diaconi, & Subdiaconi semper præstent.

Quotiescumq; autem sumunt, sive in Ecclesia Metropolitana, sive in Ecclesia Seminarij, aut alia quapam, superpellicium induant: idemque faciant, quotiescumq; Reuerendi. Archiepiscopo celebrante, ipsi adfuerint.

Post sacram verò communionem in Ecclesia persistentes, in aliqua pia eiusdem Mysterij meditatione quadrantis horæ spatio versentur; nec inde prius discedant, quām per æditum signum campanæ datum audierint.

Singuli in Cœnaculo concionentur, prout moniti fuerint; & semel saltem in hebdomada se in sacris ritibus, & ceremonijs ad Ecclesiam spectantibus exercant, nisi aliter expedire censembitur.

Opera pietatis, si quando illis à Rectore permisum fuerit, studiosè præsent; præcipue verò in concionandi munere, si modò Diaconi sint, publicè se exerceant, impetrata prius per Rectorem à Reuerendissimo Archiepiscopo facultate.

De disciplina, & moribus. Cap. III.

Quomodo
se gerant et
ga superiori-
res.

SVperioribus omnes, & singuli debent obedienciam, & obseruantiam omnino præsent; coram Rectore autem, nec caput operant, nec assideant, vbiunque illi sint, nisi prius ab eo iussi fuerint.

Quod si Prelatus aliquis, aut vir insignis interfit, caput non tegent, donec iterato admonitione fuerint.

Si quid à Rectore petierint, repulsamq; tulerint, taciti acquiescant; quod videatur eidem in memoriam reuocandum, id postero die facere possint; amplius nullo modo, nisi noua intercedente causa.

Dum aliquid à Rectore petunt, rei,

loci, & temporis rationem habeant; scilicet nihil contra leges, & instituta, nisi urgente necessitate, petant; nihil tempore orationi, aut studijs dicato; nihil in templo, vel in Sacrilia, præstertim si tunc Superior sit celebraturus, aut Missam paulò ante perfecerit.

Erga Rectorē ea sint animi affectio- ne, qua filij erga parētē: Ab eo si quid præter voluntatem imponitur, aut negatur, id existiment ad utilitatem suam referri, pro certo habentes, superiorēs ad id multis duci causis, quæ adolescentes plerunque lateant.

Eidem Rectori liberè suos sensus expōnant, vt illis prout opus fuerit consulat; cum nihil sit difficultius adolescenti, quām immoderatis animi affectionibus per se moderari.

Quapropter literas neq; mittant ipsi, neque ad se missas aperiānt, priusquam Rectori ostenderint.

Qui aliqua in re Seminarij leges violarit, Rectorem conueniat, seq; delicti sui, ac erroris accuset.

Si quid ex illis Reuerendi. Archiepiscopūs scire voluerit, id simpliciter, sincereq; aperiānt.

Quod si crimen aliquod suum deferri contingat, auctorem non querant; rescientes autem, nullam malè erga illum affecti animi significationem dent; contentur potius in posterum meliores fieri, neque ea admittere, propter quæ meritò possint accusari.

Officium aliquod domi gerentibus omnes pareant in ijs rebus, quæ ad eorū officium pertinent.

Memor sit unusquisq; vocationis sue, eoq; nomine sæpè Deo gratias agat, coneturq; maxime vitam, vt clericum decet, instituere: Cum tam multæ utilitates ex boni, tot detrimenta ex mali vita Sacerdotis proficiantur.

Modestiam vbiique seruent, in Ecclesia præcipue, Dormitorio, Cœnaculo, ac extra domesticos parietes; cum illa adolescentiæ peculiare sit ornamentum.

Caveant igitur, nè oculos hue illuc circumferant; nè loquantur altius, præstertim si multi sint; nè strepitum excitent; nè nimis festinanter incedant.

In

Quam erga
se ipsos cau-
tionē edib-
itant.